

Kürd Kadınları Teali Cemiyeti

Nizamnâmesi

Madde 1: Merkezi İstanbul'da olmak üzere *Kürd Kadınları Teâli Cemiyeti* ünvanıyla bir mahfil küşûd olunmuştur.

Madde 2: *Cemiyetin maksadı:* Kürd kadınlığının asrî zihniyetle teâlf ve inkişâfını te'min etmek, âile hayatında esâsî, ictimâ'î ıslahâtı istihsâl eylemek, tehcîr ve taktik münâsebetiyle sefil bir hale gelen Kürd eytam ve eramilini iş bulmak ve nakdi muavenet ihzâr etmek sûretiyle sefâletden kurtarmaktır. [s. 4]

Maksadın Suret-i istihsali

Madde 3: Cemiyet maksadının istihsâlî zımında gazeteler, mecmûalar, kitâblar ve risaleler neşr; şu'belere, mütalaahânelere, kütübhânelere küşûd ile serbest dersler ve konferanslar verecektir.

Madde 4: Üçüncü maddede irâ'e edilen ve cemiyet mesâ'îsiyle yapılabilecek teşebbüsâtdan mâada her Kürd hemşire maksad-ı cemiyeti istihsâl için zuhûr edecek fırsatlardan istifâde ile lâzım gelen telkînâtı icrâ eyleyecektir. Bu telkînât millî intibâhı istihdâf eder.

Madde 5: Cemiyet âzâsının verdiği duhûliye, maâşât ve her türlü teberru'at maksad namına icrâ edilmiş teşebbüsâtdan mütevellid temettu' âzânın faaliyet-i muntazama ve mütemâdiyesi bu makâsidin te'mîn ve istihsâline mevkûfdur.

Şerait-i Duhul

Madde 6: Haysiyet ve şerefi şaibedâr [s. 5] olmamış her Kürd ve Kürd muhibbesi hemşire bilatefrîk-i cins ü mezheb bu cemiyete dâhil olabilir.

Madde 7: Cemiyete girecek hemşireler duhûliye olarak yirmi kuruşdan dîn olmamak ve hadd-ı azamîsı mâlî kudreti ve ictimâ'î mevkisiyle münâsib bulunmak üzere muayyen bir meblağ te'diye edeceklerdir.

Madde 8: Cemiyet azası mûhîve yetmiş kuruşdan dîn olmamak üzere şehri bir taahhüde bulunacaktır.

Madde 9: Cemiyet âzâsı müessise, tabi'îyye olmak üzere iki kısma ayrılır.

Madde 10 -11: Elimizdeki nüshadan okunamamaktadır! [s. 6]

Hey'et-i Müşavere ve idâre

Madde 12: Müessiseler aralarından lüzûmu nisbetinde bazı hemşireleri müşâvere hey'etini teşkil etmek üzere intihâb ederler.

Madde 13: Hey'et-i müşâvere harekât-ı cemiyeti bi'l-fiil idâreye salâhiyetdâr olmamakla beraber cemiyet uruûr-ı umûmiyesini mürakabe, hey'et-i idareyi tenvîr ve irşâd, icâbında hey'et-i umûmiyeyi ictimâ'a da'vet etmek gibi salâhiyetleri hâizdir.

Madde 14: Hey'et-i müşâvere mevki-i alîsinde bulunan hemşirelerin cemiyete fevkalade sûretlerde muâvenetde bulunmaları lâzımedendir.

Madde 15: Hey'et-i idâre bir re'îse, iki re'îse vekili, altı âzâyı sahib-i rey olmak üzere -bir kâtibe ve veznedârlık uhdesinde olmak üzere- bir muhasebeciden mürekkebirdir.

Madde 16: Hey'et-i idare müessisân tarafından rey-i hâfî ile intihâb olunur ve her sene nihayetinde [s.7] hey'et-i idâre intihâbatı yeniden icra edilir. Yirmi müessise kayd olunmakla beraber hey 'et-i idâre intihâb olunur.

Madde 17: Hey'et-i idare âzâsından birinin infisâli halinde yeni'den intihâb olunur. Hakk-ı intihâb, kemâfî's-sabık müessisâna aiddir.

Madde 18: Hey'et-i idâre ictimâ'atına mazeret-i makbûlesi olmadan ve bilâ-fasilâ üç defa iştirak etmeyen âzâ ve reise müstafî add olunur.

Madde 19: Tesevî-i ârâ husûlunda re'îsenin reyi iki add olunur.

Madde 20: Muhâsebecinin mu'âmelâtı daima hey'et-i idare ta'rafından murâkabe edilecek ve muhâsebe umûrundan hey'et-i idare müşâvere ve hey'et-i umûmiyeye karşı mes'ûl bulunacaktır.

Madde 21: Hey'et-i idâre bir sene zarfında nizamnâme-i dahili mücibince cemiyetin her nevi umûr ve muâmelatını tedvir eder [s. 8] ve bu müddet zarfındaki teşebbüsât ve icrââtden mes'ûl bulunur.

Madde 22: Hey'et-i idâre haftada la-akali iki defa ictimâ' eder.

Madde 23: Hey'et-i idâre mukarrerâtı ekseriyet-i ârâ ile ittihâz edilir.

Madde 24: İctimâ'ın rûznâmesi ictimâ'dan evvel re'îse ve katibe tarafından ihtar ile hey'ete tebliğ olunur. İttihâz olunan mukarrerât defter-i mahsûsuna kayd ve zîri imzâ edilir. Karara i'tirâz eden hemşire mevadd-ı mukarrerin zîrine esbab-ı î'ttrâziyeyi mûsarrahen derc ve imzâ eder.

Madde 25: Hey'et-i idare, azasının nısfından bir fazlası hazır bulunmadıkça ittihâz-ı mukarrerât olunamaz.

Madde 26: Sene hitâmında hey'et-i idâre hey'et-i umûmiyeyi ictimâ'a da'vet eyler. İctimâ'ın i'lânı yevm-i ictimâ'dan lâ-âkall on beş gün evvel olmalıdır. [s. 9]

Hey'et-i Umûmiye